

## 01 教室裡的熱天

陳惠珠

聽老師講教育部為著欲予學生仔仔學校有閣較四序的學習環境，教室欲安冷氣，這個逐班攞有冷氣的好消息予阮心內足歡喜的。「敢有影？後擺熱人有冷氣通吹矣！」「誠實的喔？佇教室嘛有冷氣通吹！」逐个人攞毋敢相信這是正經的，嘛足期待彼工較緊到咧。

下學期開學了後，冷氣已經安起去矣，看著咧欲有冷氣通吹，阮逐個攞喙笑目笑。無偌久，教室的冷氣欲試看有啥物問題無，老師交代阮愛會記得加緊一領外套來學校，若準講傷冷著愛疊外套袂去寒著。雖罔冷氣無問題，毋過著等天氣變熱才會用得使用。

清明連假天氣有比較燒熱，不過過教室冷氣使用規則有講，佇高溫的月份，室內的溫度超過二十八度才會使得開冷氣。

六月天火燒埔，真正會熱死人！教室裡有夠鬱熱，學校規定分樓層開冷氣，避免全校全一個時間啟動冷氣電力，致使超出契約容量。諄！這阮毋知啦！教室內底活欲熱死，人感覺誠齷齪，阮千焦想欲較緊吹著冷氣。上早是五樓九點會當開冷氣，繼落來是四樓九點十分，才閣輪著阮三樓。時間欲到矣！老師早就共冷氣卡恰遙控器攢好勢，九點二

十一下到，聲、聲兩聲若親像佇咧共阮喝講：「緊共我開開！」緊！緊！緊！阮三步做一伐，毋免老師吩咐，逐個跛手攞誠猛掠，隨倚起來關頭前門、後壁門、窗仔門，老師緊押遙控器共冷氣開開。無一觸仔久那來那涼，袂閣再頭昏昏腦鈍鈍，規个人精神攞好起來，逐個攞歡頭喜面開始認真上課囉！

猶毋過有當時仔仔阮老師踎教室煞袂得吹冷氣，啊都冷氣卡獨獨一張爾爾，便若阮去別間教室上課，就會共冷氣卡緊去，老師毋才無冷氣通吹。老師有夠可憐，佇遐爾仔熱的教室內面改簿仔，定定看伊改甲大粒汗細粒汗，三不五時提手巾仔咧拭汗。見擺阮欲排隊去別的所在上課，老師攞會向望阮下課愛較緊轉來咧。老師，阮知影啦！下課阮會緊轉來教室，共冷氣卡交予你，予你會得恰阮做伙吹冷氣吹甲涼涼涼。

五年級

113 年全國語文競賽—閩南語朗讀文章(國小組)

## 02 我愛食的四秀仔

陳素貞

市面上的四秀仔百百款，毋過佇我心目中上蓋好食的干焦一款，彼就是阮兜家已做的雞卵糕。

會記得細漢的時陣，日時仔阿爸、阿母無閒咧上班，我就佇阿公、阿媽身軀邊綴前綴後，袂輸樹奶糖按呢黏過來、黏過去。個對我這粒糖霜丸是惜命命，逐工的四秀仔毋是餅仔就是雞卵糕，頂懸閣有我上愛的尪仔，這是阿公專工為我這個古錐的查某孫做的喔！

阿公開一間餅店，有賣麩、大餅，嘛有咧賣雞卵糕。便若下晡時仔麩出爐的時陣，規條街仔路會當講是芳貢閣貢貢芳！死忠的人客來遮買，攏是一袋一袋絮轉去，閣會食好鬥相報。

自細漢看著阿公對原料選擇的堅持恰製作過程的用心，知影做代誌就是愛踐踏實地、用心才做會出好的成果。我嘛學著伊做代誌認真的態度，恰一寡仔做雞卵糕的銜角。

國校三年仔開始，我上期待的就是逐禮拜的歇暎日，彼工阿公會恰我同齊做雞卵糕。歇暎日阿公無開店，我就趁這個時陣綴伊學師仔。對秤麵粉、敲卵、共烘箱烘子燒，啫啫滴滴的工課有夠濟，逐項攏愛真斟酌，芳貢閣好食的雞卵糕才做會出來。

經過這三冬的練習，自烘甲臭火焦，到這馬人干焦鼻著就會喙瀾涵涵津，我做的雞卵糕會當搭胸坎掛保證，絕對袂輸外口人咧責的喔！阿媽共我講若是欲食好食的雞卵糕，著愛用心做、綿精學，才會出師！

頂禮拜老師出一個作業，就是愛阮先佇厝裡做一項家已上熟手的好食物，才閣提來學校恰逐家分享，我頭一個想著的就是做雞卵糕。會記得彼一工，食過雞卵糕的同學，逐家攏呵咾甲會觸舌，閣一直問我愛按怎做。聽著逐家對我家已做的雞卵糕遮爾仔肯定，閣看著個食甲遐爾仔歡喜，我比個閣較歡喜。

想袂到我做的四秀仔，逐家遮爾仔捧場。我決定矣！後擺我嘛欲開一間好食的雞卵糕店，和人分享我愛食的四秀仔！

### 03 阿公無喙齒

陳雅菁

阿公定定講我是伊的糖霜丸，見擺阿母若焯我轉去後頭厝，阿公看著我就會笑笑甲喙仔裂獅獅，伊會用家己的雙手做搖筍，共我攬牢咧，那唱歌那幌來幌去。阿母驚伊去閃著腰，擺會佇邊仔楚楚唸，閩笑講我是世間上蓋大漢的紅嬰仔。雖罔阿公已經八十外矣，毋過佇我的心目中，伊的身體勇甲若牛咧。

前年阿公英雄破病倒落去，佇病院倒欲半冬，因為新冠肺炎淡甲真嚴重，我足久無看著阿公矣，干焦知影阿母無閒甲若干樂咧，逐禮拜擺從落去下港照顧伊。

舊年阿公啻啻仔恢復健康，歇熱的時來臺北參阮做伴。阿公看著我全款喙笑目笑，毋過這改看著阿公，伊的喙煞卯卯，規個人看著若勾水咧！阿母講：「久無鬥假喙齒，這馬鬥起去，阿公的齒岸會疼甲擋袂牢。」現此時阿公無法度閑做我的搖筍矣，干焦會坐佇膨椅頂面看我變東變西，閩對我微微仔笑。

逐改出門，阿母擺會紮一支餃刀，食飯的時就會共碗裡的好料的餃子碎溶溶，寢開始我會講：「按呢看著足歹食款的呢！」毋過阿母講：「阿公嘛想欲俗咱鬥陣食好料的啊！你細漢無喙齒，我嘛是按呢攢予你食！」莫怪不時都聽著

人講：「老人囡仔、老人囡仔。」原來老人俗囡仔真正欲全仔欲全。

有一遍欲倚晝矣，阿母佇厝裡無閒線頂的工課，閩愛攢中晝頓。我看伊無閒頗頗，就搭胸坎講：「阿公交予我！」我擇餃刀共物配餃予一塊一塊，閩抖一碗湯予阿公啖，伊坐佇邊仔等我奉待的形閩真趣味。我問阿公：「有好食無？」阿公那食那頓頭講：「這頓飯是這世人食過上好食的料理。」我知影阿公是咧安慰我，因為彼頓飯伊食欲點外鐘，我想應該是我餃了無夠幼。阿公蹓院的時鬥過鼻管，所以伊真珍惜會當用家食物件。雖然阿公這馬無喙齒，食飯變甲足慢的，毋過阮擺會等伊。若準阿母拄好咧無閒，阿公的目明就會掠我金金相，我就隨知影：世間上好食的料理欲閩來囉！這擺我會餃予幼幼，親像細漢的時，阿母用于我食全款。

五年級